

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
DELEGAT ORLOVIĆ AMIR

bosna i hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 10-06-2025			
Org. jed.	Broj	Priloga	Vrijednost
02	- 02 -	1286	125

DOM NARODA


N/r. Predsjedavajućeg
Gospodina Tomislava Martinovića

DOSTAVITI:

Federalno ministarstvo finansija
Federalno ministarstvo pravde

Na osnovu odredbi člana 164. a u vezi sa članom 172. Poslovnika o radu Doma naroda parlamenta Federacije Bosne i Hercegovine („Službene novine Federacije BiH”, br. 27/03., 21/09., 24/20 i 60/24.) radi razmatranja i usvajanja po skraćenom postupku, podnosim PRIJEDLOG ZAKONA O IZMJENI I DOPUNI ZAKONA O BUDŽETIMA U FEDERACIJI BOSNE I HERCEGOVINE.

Delegat:


Orlović Amir

Obrazloženje prijedloga da se Prijedlog zakona razmatra i donese po skraćenom postupku.

Budući da se radi o Zakonu koji nije složen i obiman, predlažem da se prijedlog Zakona razmatra i donese po skraćenom postupku u skladu sa članom 164. Poslovnika o radu Doma naroda Parlamenta Federacije Bosne i Hercegovine.

Orlović Amir
Delegat u Domu naroda Parlamenta Federacije BiH

(PRIJEDLOG)

ZAKON O IZMJENI I DOPUNI ZAKONA O BUDŽETIMA U FEDERACIJI
BOSNE I HERCEGOVINE.

Sarajevo, juni 2025. godine

ZAKON
O IZMJENI I DOPUNI ZAKONA O BUDŽETIMA U FEDERACIJI
BOSNE I HERCEGOVINE.

Član 1.

U Zakonu o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25., u daljnjem tekstu: Zakon). u članu 8. nakon postojećeg stava 1. dodaje se novi stav 2. koji glasi:

“Izjavu o fiskalnoj procjeni posljedica na budžet prijedloga zakona i drugih propisa i akata planiranja izrađuje federalno ministarstvo finansija u saradnji sa resornim ministarstvima u Vladi Federacije Bosne i Hercegovine, u zavisnosti od toga u čiju nadležnost potpada sam prijedlog zakona i drugih propisa i akata”.

Član 2.

Ovaj zakon stupa na snagu osmog dana od dana objavljivanja u Službenim novinama Federacije BiH.

I. USTAVNI OSNOV

Ustavni osnov za donošenje ovog zakona sadržan je u odredbama člana IV.A.5.20.d Ustava Federacije Bosne i Hercegovine.

II RAZLOZI ZA DONOŠENJE

Važećom odredbom člana 8. zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25.) određena je obaveza izrade izjave o fiskalnoj procjeni posljedica na budžet svakog prijedloga zakona ali i drugih propisa i akata planiranja, sa taksativno pobrojanim sadržajem same izjave, uz konstataciju da procedure za izradu izjave o fiskalnoj procjeni, oblik, sadržaj i način popunjavanja same izjave propisuje federalni minister finansija.

U samoj primjeni navedenoga člana zakona dešava se da Prijedlozi za izmjene važećih zakona nego ali i inicijative podnesene od strane poslanika Predstavničkog doma ili delegata Doma Naroda Parlamenta Federacije BiH budu odbijene samo iz razloga jer uz iste nije dostavljena izjava o fiskalnoj procjeni.

Ako se uzme u obzir da podnesene inicijative, u svome sadržaju i obliku ne predstavljaju pravni akt kojim se vrši izmjena ili dopuna postojeće važeće legislative iz bilo koje oblasti u nadležnosti Vlade Federacije nego se istima ukazuje na uočene nedostatke, propuste, diskriminaciju ili potrebu da se postojeći važeći zakon izmjeni, dopuni ili izradi novi zakon evidentno je da ovakvo postupanje resornih ministarstava u Vladi Federacije Bosne i Hercegovine predstavlja svojerstan vid zloupotrebe važeće zakonske norme.

S druge strane predloženom dopunom člana 8. Zakona o budžetima u Federaciji BiH olakšao bi se rad i povećala produktivnost poslanika i delegate u oba doma Parlamenta Federacije BiH i skratio put i rokovi od podnošenja eventualnih prijedloga izmjena i dopuna važećih zakona do njihovog razmatranja i izjašnjavanja po istima na sjednicama oba doma.

III OBRAZLOŽENJE PRAVNIH RJEŠENJA

Članom 1. ovoga zakona mijenja se i dopunjuje postojeći član 8. zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25.) na način da se nakon postojećeg stave 1. dodaje novi stav 2. kojim se definiše da su za izradu izjave o fiskalnoj procjeni posljedica na budžet prijedloga zakona i drugih propisa i akata planiranja zaduženi federalno ministarstvo finansija i resorna ministarstva u Vladi Federacije Bosne i Hercegovine u zavisnosti od oblasti na koje se prijedlog zakona i drugih propisa i akata odnosi i nadležnosti svakog pojedinog ministarstva u Vladi Federacije BiH.

Članom 2. je precizirano da zakon stupa na snagu osmog dana od dana objavljivanja u „Službenim novinama Federacije BiH“.

IV. FINANCIJSKA SREDSTVA

Za provođenje ovog Zakona nije potrebno obezbjediti nikakva dodatna finansijska sredstva u budžetu Federacije BiH ali bi izmjena Zakona na predloženi način doprinjela efikasnijem radu poslanika Predstavničkog doma i delegata Doma Naroda Parlamenta Federacije BiH i skraćenju roka od podnošenja prijedloga izmjena i dopuna zakona ali i drugih propisa i akata planiranja do njihovog razmatranja i eventualnog usvajanja.

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	NAZIV
Razdjel	1601	Federalno ministarstvo finansija

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o izmjeni i dopuni Zakona o budžetima u Federaciji Bosne i Hercegovine.					

C 3. Izjava o nepostojanju dodatnih fiskalnih efekata predloženog propisa

Potvrđujem da prihvatanje, odnosno provođenje prijedloga navedenog propisa neće rezultirati dodatnim fiskalnim učinkom na Budžet Federacije BiH, kao i na druge budžete i nivoe vlasti, vanbudžetske korisnike i fondove.

D 4. Pečat i potpis odgovornog lica obrađivača, odnosno predlagača propisa

Mjesto i datum